

所論有見於此亟罷巡按時別遣御史以効守令之非違凡合事宜

上曰依啓巡按御史豈可能○平安兵使邊應奎馳啓曰江邊

清野事則合冰後列堡等例為壘入而經冬添防極緊處外盡為壘入而

沿江村民亦令撤還城中或移山谷矣焚草一事則江邊軍馬常患馬

草之乏絕若行此事使我戰馬旋遭飢斃之患實非得計而至如內地

倉穀輸移非便人心搖動調兵之日並舉轉運之役勢有所難與監司

尹承吉同議善處計料事啓下備邊司○中殿教海州牧使曰關

內器皿等物內人不謹雖或有闕失之弊本州下人勿為生徵俾無民

怨○中殿渡碧瀾渡宿開城府○丙子○政院啓曰觀兇賊近日

所為其情形實為叵測而正使又將經入意外之虞難保其必無移咨

備陳請令慎重在我國道理固在所不已第念事有不可預知者欲

為正使為之謀者反為正使執以為言之資以為我欲依朝廷分付

指日前進而朝鮮止之故不果入云則沈遊擊亦將仍此多語恐有難

進之悔尤非細慮臣等之意姑勿移咨只具由下書於接伴使令詳其

曲折因語咨稟於天使前則於今日事體似穩亦未必不為他日之

辭而彼亦不得執以為言矣請令備邊司參以此意更議定奪○黃海